






OLA AI I TOTONU O LE LAUELE'ELE



Lesona 11, Novema 13, 2025



“O le tali filemu e liliu'eseina ai
le ita; a'o le upu faatiga e tupu
ai le ita” (Faataoto 15:1)

Ina ua mavae ni nai tausaga o taua, ona faatoilaloina lea e Israelu o Kanana, e ui lava e lei tutulieseua uma tagata na nonofo ai.

O ituaiga e lua ma le afa na mauaina le vaega i le itu i sasa'e o (Reupena, o Kato, ma le afa o le ituaiga o Manase), ae sa latou sopoia atu loritana i le itu i sisifo, ina ia fesoasoani i le faatoilaloina, o isi aai o Kanana mo isi ituaiga uma o Israelu. Pe a i le ono i le fitu tausaga sa tuua ai o latou aiga i le itu i sasa'e a'o latou faia lenei auaunaga, e fesoasoani ai i o latou uso. Sa faataunuuina ai ma le faamaoni la latou ta'utinoga.

Mulimuli ane, ua oo i le taimi e tete'a ese ai. Ina ua uma ona faamanuia atu i a'i latou ma fautuaina ina ia faaauau pea ona latou savalivali i ala o le Atua, ona tuua ai lea oi latou e losua ia o atu i o latou aiga. Ae na ufitia i se matuā lē malamalama lava lea faamavaega, ma e ono faigofie le mafai ai ona faaleagaina o lea lotogatasitasi i le nuu o Israelu.



- ➡ O se saunoaga faamavae (Iosua 22:1-8)
- ➡ Mafuaaga o le faafitauli (Iosua 22:10-12)
- ➡ O tuua'iga (Iosua 22:13-20)
- ➡ Tali atu i le upu filemu (Iosua 22:21-29)
- ➡ O se faaleleiga (Iosua 22:30-34)

O SE SAUNOAGA FAAMAVAE

“A ia outou matuā anaana e fai le poloa’iga ma le tulafono, na fai atu ai Mose le auauna a Ieova ia te outou: tou te alofa atu ia Ieova lo outou Atua, ma savavali i Ona ala uma, ma anaana i Ana poloaiga, ma pipii lava ia te Ia, na auauna ia te Ia ma o outou loto atoa ma o outou agaga atoa” (Iosua 22:5).

Talu ai ona o Ioritana lea na amata ona tuueseeseina ai o ituaiga, na tuuina atu ai e Iosua se fautuaga poto i ituaiga uma e lua ma le afa ina ia mafai ona latou tutumau ma savavali ma le faamaoni i le Atua i Ona ala uma (Iosua 22:5):

**Ia alofa atu ia Ieova
lo outou Atua**

O le alofa o le mataupu faavae lea e tatau ona taitaiina atu ai i tatou i le Atua. Tatou te alolofa atu ia te Ia aua na Ia mua’i alofa mai i a’i tatou (1Ioane 4:19)

**Ia savavali ma le
usiusitai ia te Ia**

O le auala lenei ua faailoa mai e Iosua, o le amio e manaomia e i latou o e filifili e savavali faatasi ma le Atua

**Ia ana’ana e fai Ana
poloaiga**

O le usiusitai o se taunuuga masani lea o se loto faafetai e malamalama lelei i mea na faia e le Atua.

Ia pipii-mau ia te Ia

E tatau ona tatou pipii-mau i le Atua e aunoa ma le faatagaina o se mea e ono aveesea ma motusia ai lea sootaga


**Ia auauna atu ia te Ia
ma lou loto atoa ma lou
agaga atoa**

E maua lo tatou faamoemoe moni, o le faamalieina, ma le ola manuia pe a tatou auauna atu i le lotomalie ma le alofa i lo tatou Foafoa; Le na faia i tatou



O LE MAFUAAGA O FAAFITAULI

“Ua oo atu i latou i le itu o Ioritana, oi le nuu o Kanana, ona faia lea i lea mea e le fanauga a Reupena, ma le fanauga a Kato, ma le tasi vaega o le ituaiga o Manase, o le fatafaitaulaga e lata ane i Ioritana, o le fatafaitaulaga tele e iloa-gofie” (Iosua 22:10)



E lata ane i le nofoaga na faatuina ai e Iosua se maa faamanatu o se vavega ina ua sopoia atu le Ioritana, sa fausia ai foi e ituaiga e lua ma le afa o se fatafaitaulaga o se faatusa lea o le fatafaitaulaga o le Falefetafai (Iosua 22:10, 28).

O lenei faatinoga sa faamatalaina ai o se soliga o le tulafono e faapea e faasaina le ofoina atu o ni taulaga i se isi lava nofoaga e ese mai nai lo le fatafaitaulaga e faamu a'i taulaga mu i le Falefetafai (Levitiko 17:8-9).



Na filifili Israelu uma ina ia tafiesea lenei agasala e ala i le osofa'ia pe sii taua atu i o latou uso (Iosua 22:12). Ae na faauilavea le Atua ina ia puipuia mai ai i se taua o le toto-masaa. Na la faatuina mai ni tagata o e na filifili ia aua nei faamasinoa e aunoa ma ni faamaoniga uma; ae tuuina atu i ai se avanoa e manatu ai e sa'o; ma ua latou filifili e tuuina atu i o latou uso se avanoa e faamatalaina ai i latou lava (Iosua 22:13-14).

O le mea na tulai mai, o le lē logoina lea o ona uso e uiga i se mea ua ia manatu i ai, na pau lea o sona sesē... ae le o se agasala lea mea.



O NI TUUA'IGA

"O loo fai mai le faapotopotoga uma a Ieova, ua faapea mai, Se a lenei mea leaga ua outou agaleaga ai i le Atua o Israelu e liliuese i le aso nei, nei outou mulimuli atu ia Ieova, ina ua outou faia mo outou le fatafaitaulaga ina ia outou fouvale i le aso nei ia Ieova?" (Iosua 22:16)




Aisea na filifilia ai Fineaso e taita'ia le komiti su'esu'e? (Iosua 22:13-14)?

O Fineaso, o le atalii lea o le faitaulaga sili, sa le faavaivai i le taofia o le agasala a Pa'ala-Peoro (Numera 25:7-8). Na avea le mea na faia e Fineaso, na aveesea ai le faamai sa oo ia Israelu. I lana saunoaga, na ia tuuina atu ai se sootaga o lenei agasala i le agasala a Akana, ma sa faatusaina foi i ai i le agasala lea na faapea na faia e ituaiga e lua ma le afa (Iosua 22:16-20).



O le saunoaga a Fineaso sa matuā talafeagai lava. Pe ana fai ae ofoina atu taulaga i le fatafaitaulaga fou na faatuina, o le a faasalaina e le Atua Israelu uma ona o lea mea (Iosua 22:18b).

Peitai, na ia tuuina atu i a'i latou le avanoa e faasa'oina ai lenei mea sesē, a'o lei faia e i latou le agasala: na ia ofoina atu foi ia tei latou le avanoa e toe foi atu ai i le tasi itu o loritana o loo i ai le Falefetafai (Iosua 22:19).



TALI ATU I LE AGALELEI

"Na fai ai mo i matou le fatafaitaulaga e liliuese ai, nei mulimuli atu ia Ieova; afai foi e fai ai i ona luga o taulaga mu ma taulaga i mea e 'ai; afai foi e fai ai i ona luga o taulaga faafetai, ia tauia mai e Ieova lava." (Iosua 22:23)

O ituaiga o
Reupean ma Kato
ma le afa o le
ituaiga o Manase,
ina ua molia, sa
latou faatinoina se
faaa'oa'oga sili ona
lelei atoatoa



Sa latou faalologo ma le fifilemu i tuua'iga

Sa latou valaau i le Atua o se molimau i a'i latou


Sa latou talia ia faasalaina pe afai sa agasala i latou

Na latou faaalua lo latou faanaunauta'iga moni

A'o lei iloa e isi ituaiga o le fanauga a Israelu se mafuaaga sa fausia ai e o latou uso le fatafaitaulaga, sa latou manatu ai: o se fouvale lava lea, o se manaoga mo le tete'aese, ma o se faasalaga lea faale-lagi.

O le mea moni lava: o se faanaunauga ina ia tumau pea le lotogatasitasi ma o latou uso, ma ia taofia le tete'aese o se vaega o le fanauga a Israelu i le lumanai (Iosua 22:24-26).

E ui lava e ono lagona e ituaiga ia ua tuua'ia le lē fiafia i tuua'iga, ma mafai ona tali atu ai ma le sauā mo so latou puipuiga, ae faafetai i lo latou tali atu ma le filemu i se alofa faale-uso ma 'alofia ai ni taua semanu e tutupu mai.




FAIA O SE LELEIGA

"Ua lelei le tala i le fanauga a Isaraelu; ua faafetai atu foi le fanauga a Isaraelu i le Atua, ma latou le toe tautalatala i se taua e sii atu ia tei latou, e faaumatia le nuu e nonofo ai le fanauga a Reupena, ma le fanauga a Kato"
(Iosua 22:33)



I le vaai atu i le lē faavaea o ia tuua'iga, na mapu ai Fineaso ma le aumalaga a Isaraelu (Iosua 22:30-31). Mo la latou vaega, ina ua a'oa'oina e le fanauga a Isaraelu le mea moni, ona latou olioli ai lea ma vivii atu i le Atua (Iosua 22:32-33).



E ala i a latou faataitaiga, ua mafai ai ona tatou iloa atu ni laasaga talafeagai e toe fuata'ina ai le tulaga tutusa o le filemu, ina ia fesootai atu ai i aiga, ekalesia, ma nuu:



Fesoota'iga i o tatou mafaufauga



'Aua ne'i vave-vave i ni faaiuga



Talanoa e uiga i faafitauli a'o lei faatinoina



Ia tuu nisi mea ma le lotomalie ina ia maua ai le lotogatasi



Ia tali atu ma le faaaloalo i ni tuua'iga



Ia olioli ma faamanuia le Atua ina ua toe faafoisia le to'afilemu

“Ona tuu atu lea e le fanauga a Kato ma Reupena i luga o la latou fatafaitaulaga o se tusitusiga e faasino atu ai le faamoemoe na mafua ona faatuina ai; ma ua latou faapea ane ai, “A ia fai ma molimau ia tei matou ma outou o Ieova o le Atua lava ia.” Sa faapea ona latou taumafai malosi ina ia taofia se lē malamalama i le lumanai ma aveese mea e ono avea ma pogai o faaosoosoga.

Pe faafia ona tula’i mai ni faigata matuiā ona o se lē malamalama faigofie, e oo lava i a’i latou o e faaosofia i ni mafuaaga tāua ma le aoga; ma a aunoa ma le faatinoina o le faaaloalo ma le faapalepale, o a ni taunuuga ogaoga e ono oo lava i le oti e mafai ona mulimuli mai ai [...]

E leai lava se tasi na te toe faafoisia mai se tulaga sesē e ala i se faasalaga ma se faalumaina; ae o le toatele ua faapena ona taumamao mai le ala sa’o ma taitaiina atu ai i le faamaaa o latou loto e tetee atu ai i le talitonuga maumaututu. O le agaga o le agalelei, o le amio faaaloalo, ma le faapalepale e mafai ai ona faasaoina ma natia le tagata sese ‘ai le tele o agasala.”